



27.11. 2025

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquut:

- 1. Naalakkersuisusut sooq qulakkeerumanngilaat 2025-imut partiit aningaasanut inatsisissamut isumaqatigiissutaat?**
- 2. Naalakkersuisut qanoq ilillutik, siusinnerusukkut aningaasanut inatsisissatut isumaqatigiissutinik atorsinnaannginneraasinnaappat?**
- 3. Naalakkersuisut isumaqalersimappat partiinit aningaasanut inatsisissatut isumaqatigiissutaasimasuniit namminneq naalagaanerulersimallutik?**

(Inatsisartunut ilaasortaq Mariane Paviassen Jensen, Inuit Ataqatigiit)

Tunngavilersuut:

2025-imut aningaasanut inatsisissatut siunnersuummi partiit Inuit Ataqatigiit Siumullu isumaqatigiissutaanni allaqqasut ilaat naalakkersuisut paragraf 37-ikkut apeqquuteqarfigineqarnerani (Apeqquut nr:40/2025) peqqissutsimut naalakkersuisup akissutaani ersepoq, Naalakkersuisut ATV-nik Peqqinnissaqarfiup iluani sullissisunut pitsanngorsaatisatut aningaasaliiffigineqaqqullugit isumaqatigiissut atornianngikkaat. Pineqartut tassaapput Qassiarsummi Igalikumilu Peqqinnissaqarfimmi sullissisut sullissaminnut tassanngaannartumik pisoqartillugu ornigutipallassinnaanissaannut qulakkeerinninniarluni aningaasanut inatsisissami isumaqatigiissut. Isumaqatiginninniarnerup nalaani ersarissarneqartuarpoq ATV-it pineqartut nunaqarfinni immikkuullarissuni aqqusinikkaajusuni uani savaatillit akorninni Peqqinnissaqarfiup sullissisunik angalapallassinnaaneq anguniarneqarluni, imaanngitsoq napparsimasut angallanneqarnissaannik qulakkeerinninniarnermut atugassiaasasut. Ilisimasaq annertoq pigigaanni nalunanngilaq ilaatigooriarluni nunaqarfinni pineqartuni Peqqinnissaqarfimmi sulisup pisoqarfiusumut ornigutipallattarnissaa pisariaqartartoq aamma taamaattoqartartoq, Peqqinnissaqarfiup illuttaanni suliassanik takkuttoqarnissaannik utaqqiinnartuunngitsut, ilaatigut savarniarnerup nalaani tassanngaannartumik ajutoortoqariaartaarnerani aamma takkutipallassinnaasarnerat pisariaqartartoq, tamannalu aqqutigalugu Peqqinnissaqarfiit napparsimaveqarfiusut attavigineqarsinnaasartut ajutoorsimasumik ikiuvigasuarnissap ersarissarnissaanut, tassa ilisimasat piviusut taamaapput. Aammali siusinnerusukkut peqqinnissaqarfiit pineqartut ATV-nik peqatinneqarnikuuneri ilisimaneqarpoq, atortussatigullu ajoquteqalersarnerit anigorneqartartut sullissisut piffinni ilisimaarinnilluarnerat aqqutigalugu sullissinnaasunik pissarsipallattarnerisa kinguneranik, taamaammat Naalakkersuisup ilisimasat tunngaviit eqqortut aqqutigalugit paasissutissanik pisariaqartitsisimaguni pineqartut paasissutsissanik pissarsiffigisinnaalluarnikuullugit paasiniaasimanngitsoq malunnarpoq. Naalakkersuisullu nutaangornerisa kingorna Aningaasanut Inatsisissamut isumaqatigiissutit Naalakkersuisup nammineq isumaa, ilisimasallu amigartut kisiisa atorlugit aqqissuusiniartoqarnera akuersaaruminaappoq, qanormi taava iliortassaagut

Naalakkersuisut namminneq kisimik isumartik atorlugit isumaqatigiissutini
malinnikkumanngikkaangata?

Kissaatigaara apeqqutit ullut qulit qaangiutsinnagit akineqarnissaat.